

PRISLUSLOBILO: 01 JUN 2021			
Org. jed.	Broj	Prilog	Vijećnik
01	GV-0	2-55	7/21

**GRAD SARAJEVO**

**n/r predsjedavajući Gradskog vijeća Jasmin Ademović**

**PREDMET : Inicijativa za aktualizaciju postupka donošenja izmjena i dopuna  
Regulacionog plana Marijin dvor "Kvadrant B";**

Podnosim inicijativu gradonačelnici Grada Sarajeva da aktualizira postupak donošenja izmjena i dopuna Regulacionog plana Marijin dvor "Kvadrant B".

**Obrazloženje:**

Ovaj atraktivni lokalitet uz rijeku Miljacku gdje se nalazi zgrada Parlamenta BiH, Sarajevo City Centar i nacionalni spomenik kulture "prva električna centrala u Sarajevu" urušen u vremenu opsade grada Sarajeva i agresije na našu državu 1992.-1995., devastiran je i godinama predstavlja ruglo glavnog grada Bosne i Hercegovine.

Ako ovo strateško razvojno pitanje do sada nije riješeno iz političkih, stručnih, ekonomskih ili drugih razloga na uobičajen način, predlažem da se vizija odnosno mogući izgled ovog prostora sagleda putem otvorenog javnog nagradnog konkursa u kojem će priliku za kreativne prijedloge imati svi arhitekti i planeri, te da se njihova idejna rješenja predstave u okviru otvorenog javnog uvida i debate građana, vladinog i nevladinog sektora uz prethodnu medijsku prezentaciju nagrađenih konkursnih radova.

**GRADSKI VIJEĆNIK**

Lajla Čosović

Vedad Deljković  
Kreštalica 15  
Sarajevo

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRILAZNO: 14 JUN 2021			
Org. jed.	Broj	Prilozi	Sljedbenost
09-GV-09	G35	41	

Grad Sarajevo  
Gradsko vijeće Grada Sarajeva  
n/r Predsjedavajućeg Jasmina Ademovića

### VIJEĆNIČKA INICIJATIVA

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“ broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“ broj 28/09) upućujem inicijativu kako slijedi.

„Podnosim inicijativu da Grad Sarajevo poduzme sve neophodne radnje za izradu 3D makete grada.“

Obrazloženje: Kao što je praksa u velikom broju gradova u svijetu, smatramo da bi i grad Sarajevo trebao dobiti 3D maketu grada izloženu na nekom trgu u Starom Gradu, poput onog u ulici Avdage Šahinagića, preko puta Vijećnice s obzirom na svoju centralnu poziciju i dovoljno prostora za postavljanje makete. Kako je veliki broj turista koncentrisan oko ovog područja zbog blizine Baščaršije, Vijećnice, Inat kuće i ostalih turističkih atrakcija, smatramo da bi pomenuta lokacija bila idealno rješenje.

Sama maketa se može uraditi po uzoru na onu u Brusa bezistanu, ali sa nekim preinakama koje bi više odgovarale trenutnom stanju. Također, prijedlog je da maketa bude prilagođena slijepim i slabovidnim licima kako bi i oni imali legendu o tome šta se nalazi na mapi.

Vijećnik Gradskog vijeća

Vedad Deljković

Vedad Deljković

Kreštalica 15

Sarajevo

Bosna i Hercegovina-Federacija Bosne i Hercegovine

Kanton Sarajevo • BRAD SARAJEVO

GRADSKO VIJEĆE

POSREDOVANJE			
Org. jed.	Šifra	Priloga	Priloga
01-05-04-036/21			

Grad Sarajevo

Gradsko vijeće Grada Sarajeva

n/r Predsjedavajućeg Jasmina Ademovića

### VIJEĆNIČKA INICIJATIVA

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“ broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“ broj 28/09) upućujem inicijativu kako slijedi.

„Podnosim inicijativu da Grad Sarajevo u najkraćem vremenskom roku obezbijedi funkcionisanje javnog toaleta u gradu Sarajevu, odnosno u užoj jezgri grada.“

Obrazloženje: S obzirom na to da je Sarajevo imalo javne toalete među prvim gradovima u Evropi, neprihvatljivo je da ih danas nema kada su javni toaleti praksa u svim većim i manjim evropskim gradovima. Postojeći privatni gradski toaleti su u veoma lošem stanju, sa jako lošim higijenskim uslovima, bez adekvatnog i fiksnog radnog vremena, pa nije rijetkost da turisti, nakon završenog radnog vremena ugostiteljskih objekata, tragaju ulicama za javnim toaletom i s nevjericom primaju vijesti da takvi ne postoje u našem gradu.

Kako je turistička sezona pred nama, potrebno je da se što prije krene u realizaciju ove inicijative kako bi kao Grad obezbijedili elementarne i esencijalne stvari neophodne gradu, kako zbog turista, tako i zbog lokalnog stanovništva.

Vijećnik Gradskog vijeća

Vedad Deljković



Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: nasastranka@nasastranka.ba  
Web: www.nasastranka.ba

Bosna i Hercegovina-Federacija Bosne i Hercegov.  
Kanton Sarajevo - GRADSKO VIJEĆE  
GRADSKO VIJEĆE

PRIMLJENO: 30 JUN 2021			
Org. jed.	Broj	Prilog	Vrijednost
01	GV-02	725	21

Sarajevo, 30.06.2021.god.

Gradsko vijeće Grada Sarajeva

**Predmet:** Vijećnička inicijativa, *dostavlja se* -

Poštovani/e,

iniciram u nedostatku adekvatnog i prepoznatljivog suvenira Sarajeva da se razmotri opcija raspisivanja međunarodnog poziva za kreiranje idejnog i izvedbenog rješenja suvenira Grada Sarajeva koji bi kao takav bio brendiran i prepoznatljiv dio turističke ponude glavnog grada Bosne i Hercegovine.

\_\_\_\_\_  
Nihad Uk  
Vijećnik Gradskog vijeća Grada Sarajeva